



საქართველოს რეგიონული განვითარებისა და ინფრასტრუქტურის სამინისტრო
საქართველოს საავტომობილო გზების დეპარტამენტი

ბრძანება N 177

ქ. თბილისი

07/06/2017

საქართველოსა და იაპონიის საერთაშორისო თანამშრომლობის სააგენტოს, მსოფლიო ბანკს, ევროპის რეკონსტრუქციისა და განვითარების ბანკს, არაბთა ეკონომიკური განვითარების ქუვეითის ფონდს, აზიის განვითარების ბანკს და ევროპის საინვესტიციო ბანკს შორის გაფორმებული სასესხო და დაფინანსების ხელშეკრულებების ფარგლებში, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულების - საქართველოს საავტომობილო გზების დეპარტამენტის დაკვეთით განხორციელებული მიმდინარე შეკეთების, პერიოდული შეკეთების, რეაბილიტაციის, რეკონსტრუქციის, მოდერნიზაციის, მშენებლობის და სტიქიური და სხვა ფორსმაჟორული მოვლენების შედეგების ლიკვიდაციის, ნაპირდაცვის სამუშაოებზე გაწეული სახედაამხედველო მომსახურების ანაზღაურებისათვის განსახორციელებელი აუცილებელი ღონისძიებებისა და აღნიშნული ღონისძიებების განხორციელებაზე პასუხისმგებელი პირების განსაზღვრის თაობაზე

საქართველოსა და იაპონიის საერთაშორისო თანამშრომლობის სააგენტოს, მსოფლიო ბანკს, ევროპის რეკონსტრუქციისა და განვითარების ბანკს, არაბთა ეკონომიკური განვითარების ქუვეითის ფონდს, აზიის განვითარების ბანკს და ევროპის საინვესტიციო ბანკს შორის გაფორმებული სასესხო და დაფინანსების ხელშეკრულებების გათვალისწინებით და „საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულების - საქართველოს საავტომობილო გზების დეპარტამენტის დებულების დამტკიცების შესახებ“ საქართველოს რეგიონული განვითარებისა და ინფრასტრუქტურის მინისტრის 2017 წლის 13 იანვრის №1/5 ბრძანებით დამტკიცებული დებულების მე-6 მუხლის მე-3 პუნქტის „თ“ და „ჟ“ ქვეპუნქტების საფუძველზე,

ვ ბ რ ძ ა ნ ე ბ :

1. საქართველოსა და იაპონიის საერთაშორისო თანამშრომლობის სააგენტოს, მსოფლიო ბანკს, ევროპის რეკონსტრუქციისა და განვითარების ბანკს, არაბთა ეკონომიკური განვითარების ქუვეითის ფონდს, აზიის განვითარების ბანკს და ევროპის საინვესტიციო ბანკს შორის გაფორმებული სასესხო და დაფინანსების ხელშეკრულებების ფარგლებში, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულების - საქართველოს საავტომობილო გზების დეპარტამენტის (შემდგომში - დეპარტამენტი) დაკვეთით განხორციელებული მიმდინარე შეკეთების, პერიოდული შეკეთების, რეაბილიტაციის, რეკონსტრუქციის, მოდერნიზაციის, მშენებლობის და სტიქიური და

სხვა ფორსმაჟორული მოვლენების შედეგების ლიკვიდაცის, ნაპირდაცვის სამუშაოებზე გაწეული საზედამხედველო მომსახურების ანაზღაურების მიზნით, ამ ბრძანების დანართის შესაბამისად, განსაზღვროს შესრულებული სამუშაოების ანაზღაურებისათვის განსახორციელებელი აუცილებელი ღონისძიებები და აღნიშნული ღონისძიებების განხორციელებაზე პასუხისმგებელი პირები.

2. ცალკეულ შემთხვევებში დეპარტამენტის თავმჯდომარის ინდივიდუალურ ადმინისტრაციულ - სამართლებრივი აქტით შესაძლებელია ამ ბრძანების პირველი პუნქტით განსაზღვრული დანართისაგან განსხვავებული ღონისძიებებისა და აღნიშნულის განხორციელებაზე პასუხისმგებელი პირების განსაზღვრა.

3. ამ ბრძანების დანართით განსაზღვრული ღონისძიებების განხორციელებაზე კონტროლი განახორციელონ დეპარტამენტის თავმჯდომარის ინდივიდუალურ ადმინისტრაციულ - სამართლებრივი აქტით განსაზღვრულმა პირ(ებ)მა, მათ უშუალო საკურატორო სფეროს დაქვემდებარებული სტრუქტურული ქვედანაყოფების შესაბამისად, რაც უნდა დადასტურდეს მათი ხელმოწერით.

4. ამ ბრძანების დანართით განსაზღვრული ღონისძიებების განხორციელებაზე, საერთაშორისო საფინანსო ინსტიტუტებისა და დონორი ორგანიზაციების დაფინანსებით მიმდინარე პროექტების ფარგლებში, კონტროლი განახორციელონ დეპარტამენტის თავმჯდომარის ინდივიდუალურ ადმინისტრაციულ - სამართლებრივი აქტით განსაზღვრულმა თანამდებობის პირ(ებ)მა, საერთაშორისო საფინანსო ინსტიტუტების და დონორი ორგანიზაციების მიერ დაფინანსებული პროექტების ან/და მათი დაფინანსების შედეგად საზედამხედველო მომსახურებაზე გაფორმებული ხელშეკრულებების განხორციელებაზე საკოორდინაციო უფლებამოსილების შესაბამისად, რაც უნდა დადასტურდეს მათი ხელმოწერით.

5. დეპარტამენტის ადმინისტრაციულმა სამსახურმა უზრუნველყოს ამ ბრძანების საქართველოს რეგიონული განვითარებისა და ინფრასტრუქტურის სამინისტროს სახელმწიფო კონტროლს დაქვემდებარებული საჯარო სამართლის იურდიული პირის - ევრაზიის სატრანსპორტო დერეფნის საინვესტიციო ცენტრისათვის გაცნობა.

6. ბრძანების შესრულებაზე კონტროლს განვახორციელებ პირადად.

7. ბრძანება ძალაშია ხელმოწერისთანავე.

8. ბრძანება შეიძლება გასაჩივრდეს საქართველოს კანონმდებლობით დადგენილი წესით მისი გაცნობიდან 1 (ერთი) თვის ვადაში.

გიორგი სეთურიძე

დეპარტამენტის თავმჯდომარე



საქართველოსა და იაპონიის საერთაშორისო თანამშრომლობის სააგენტოს, მსოფლიო ბანკს, ევროპის რეკონსტრუქციისა და განვითარების ბანკს, არაბთა ეკონომიკური განვითარების ქუვეითის ფონდს, აზიის განვითარების ბანკს და ევროპის საინვესტიციო ბანკს შორის გაფორმებული სასესხო და დაფინანსების ხელშეკრულებების ფარგლებში, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულებების - საქართველოს საავტომობილო გზების დეპარტამენტის დაკვეთით განხორციელებული მიმდინარე შეკეთების, პერიოდული შეკეთების, რეაბილიტაციის, რეკონსტრუქციის, მოდერნიზაციის, მშენებლობის და სტიქიური და სხვა ფორსმაჟორული მოვლენების შედეგების ლიკვიდაცის, ნაპირდაცვის სამუშაოებზე გაწეული საზედამხედველო მომსახურების ანაზღაურებისათვის განსახორციელებელი აუცილებელი ღონისძიებები და აღნიშნული ღონისძიებების განხორციელებაზე პასუხისმგებელი პირები

მუხლი 1.

1. საქართველოსა და იაპონიის საერთაშორისო თანამშრომლობის სააგენტოს, მსოფლიო ბანკს, ევროპის რეკონსტრუქციისა და განვითარების ბანკს, არაბთა ეკონომიკური განვითარების ქუვეითის ფონდს, აზიის განვითარების ბანკს და ევროპის საინვესტიციო ბანკს შორის გაფორმებული სასესხო და დაფინანსების ხელშეკრულებების ფარგლებში, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულებების - საქართველოს საავტომობილო გზების დეპარტამენტის (შემდგომში - დეპარტამენტი) დაკვეთით განხორციელებული მიმდინარე შეკეთების, პერიოდული შეკეთების, რეაბილიტაციის, რეკონსტრუქციის, მოდერნიზაციის, მშენებლობის, სტიქიური და სხვა ფორსმაჟორული მოვლენების შედეგების ლიკვიდაცის და ნაპირდაცვის სამუშაოებზე გაწეული საზედამხედველო მომსახურების (შემდგომში-საზედამხედველო მომსახურების) ანაზღაურებისათვის აუცილებელია დეპარტამენტში წარმოდგენილ იქნეს შესრულებული საზედამხედველო მომსახურების ანგარიშფაქტურა (ინვოისი).

2. დეპარტამენტში წარმოდგენილი ანგარიშფაქტურა (ინვოისი) ხელმოწერილი უნდა იყოს დეპარტამენტის დაკვეთით საზედამხედველო მომსახურების განმახორციელებელი კომპანიის მიერ.

3. ამ მუხლის მე-2 პუნქტში განსაზღვრული ხელმოწერი პირი ადასტურებს შესრულებული საზედამხედველო მომსახურების მოცულობებისა და მათი ღირებულებების სისწორეს.

4. შესრულებული საზედამხედველო მომსახურების ანგარიშფაქტურა (ინვოისი) ხელმოწერილი უნდა იყოს:

ა) დეპარტამენტის დაკვეთით საზედამხედველო მომსახურების განმახორციელებელი კომპანიის მიერ;

ბ) დეპარტამენტის შესაბამისი სამსახურის, რომელიც ახორციელებს იმ სამუშაოების მონიტორინგს, რომელზეც ხორციელდება ზედამხედველობა, უფროსის, ხოლო მისი არყოფნის შემთხვევაში, სამსახურის უფროსის მოადგილის ან მისი

მოვალეობის შემსრულებლის მიერ, რომლიც ადასტურებს შესრულებული საზედამხედველო მომსახურების შესაბამისობას შესაბამისი ხელშეკრულების პირობებთან, გარდა ამ მუხლის მე-3 პუნქტით განსაზღვრული ინფორმაციისა.

გ) დეპარტამენტის ფინანსების მართვის სამსახურის უფროსის, ხოლო მისი არყოფნის შემთხვევაში, სამსახურის უფროსის მოადგილის ან მისი მოვალეობის შემსრულებლის მიერ, რომლიც ამ მუხლის მე-2 და მე-4 პუნქტის „ა“ და „ბ“ ქვეპუნქტების შესაბამისად დადასტურებულ მონაცემებზე დაყრდნობით, ამოწმებს (ახორციელებენ ფინანსურ მონიტორინგს) შესრულებული საზედამხედველო მომსახურების ანგარიშფაქტურაში (ინვოისში) მითითებული დაკავებული ავანსის და საქართველოს კანონმდებლობით განსაზღვრული გადასახადების შესაბამისობას ხელშეკრულებით განსაზღვრულ პირობებთან.

5. ამ მუხლის მე-4 პუნქტის „ა“ ქვეპუნქტით განსაზღვრული ხელმომწერი პირი/პირები ადასტურებენ გაწეული მომსახურების მოცულობის, ღირებულებისა და ასანაზღაურებელი თანხის სისწორეს.

6. საქართველოსა და მსოფლიო ბანკის, აზიის განვითარების ბანკის, ევროპის საინვესტიციო ბანკის, ევროპის რეკონსტრუქციისა და განვითარების ბანკის, არაბთა ეკონომიკური განვითარების ქუვეითის ფონდის და იაპონიის საერთაშორისო თანამშრომლობის სააგენტოს მიერ დაფინანსებული პროექტების ფარგლებში, ამ მუხლის მე-4 პუნქტის „გ“ ქვეპუნქტით გათვალისწინებული ღონისძიებების გარდა, დეპარტამენტის ფინანსების მართვის სამსახური ამ მუხლის მე-2-მე-5 პუნქტების შესაბამისად დადასტურებულ მონაცემებზე დაყრდნობით, ამოწმებს ხელშეკრულებით გათვალისწინებული ინდექსაციის თანხის შესაბამისობას ხელშეკრულების პირობებთან, რაც დასტურდება დეპარტამენტის ფინანსების მართვის სამსახურის უფროსის, ხოლო მისი არყოფნის შემთხვევაში, სამსახურის უფროსის მოადგილის ან მისი მოვალეობის შემსრულებლის ხელმოწერით.

7. დეპარტამენტის თავმჯდომარის, დეპარტამენტის თავმჯდომარის მოადგილის-ტექნიკური მდივნის ან დეპარტამენტის თავმჯდომარის შესაბამისი მოადგილის (საკოორდინაციო პროექტ(ებ)ის შესაბამისად) გადაწყვეტილებით, საჭიროების შემთხვევაში, შესაძლებელია მოთხოვნილ იქნეს დეპარტამენტის სხვა სტრუქტურული ქვედანაყოფის პასუხისმგებელი პირ(ებ)ის ხელმოწერა.

8. ამ მუხლის მე-2-მე-7 პუნქტებით განსაზღვრული პროცედურების განხორციელების შემდგომ, შესრულებული საზედამხედველო მომსახურების ანგარიშფაქტურა (ინვოისი) წარედგინება დეპარტამენტის თავმჯდომარეს, დეპარტამენტის თავმჯდომარის მოადგილეს-ტექნიკური მდივანს ან დეპარტამენტის თავმჯდომარის შესაბამის მოადგილეს (უშუალო საკურატორო სფეროს ან/და საერთაშორისო საფინანსო ინსტიტუტების და დონორი ორგანიზაციების მიერ დაფინანსებული პროექტების ან/და მათი დაფინანსების შედეგად გაფორმებული ხელშეკრულებების განხორციელებაზე საკოორდინაციო უფლებამოსილების შესაბამისად) ხელმოსაწერად.

მუხლი 2.

ამ წესის პირველი მუხლით განსაზღვრული პროცედურა გამოიყენება დასრულებული საზედამხედველო მომსახურების ანაზღაურებისათვის.

მუხლი 3.

ანგარიშსწორება დეპარტამენტის დაკვეთით განხორციელებულ საზედამხედველო მომსახურებაზე შესაძლებელია მხოლოდ პირველ მუხლში გათვალისწინებული პროცედურების დასრულების შემდგომ.

მუხლი 4.

საქართველოსა და მსოფლიო ბანკს, აზიის განვითარების ბანკს ან ევროპის საინვესტიციო ბანკს შორის გაფორმებული სასესხო და დაფინანსების ხელშეკრულებების გათვალისწინებით და დეპარტამენტსა და საქართველოს რეგიონული განვითარებისა და ინფრასტრუქტურის სამინისტროს სახელმწიფო კონტროლს დაქვემდებარებულ - საჯარო სამართლის იურდიულ პირს - ევრაზიის სატრანსპორტო დერეფნის საინვესტიციო ცენტრს შორის გაფორმებული ხელშეკრულებების საფუძველზე, საქართველოს რეგიონული განვითარებისა და ინფრასტრუქტურის სამინისტროს სახელმწიფო კონტროლს დაქვემდებარებულ - საჯარო სამართლის იურდიული პირი - ევრაზიის სატრანსპორტო დერეფნის საინვესტიციო ცენტრი ახორციელებს პროექტის ფინანსურ მენეჯმენტს კომპეტენციის ფარგლებში.

მუხლი 5

სახელმწიფო ბიუჯეტის დაფინანსებით განხორციელებული მიმდინარე შეკეთების, პერიოდული შეკეთების, რეაბილიტაციის, რეკონსტრუქციის, მოდერნიზაციის, მშენებლობის და სტიქიური და სხვა ფორსმაჟორული მოვლენების შედეგების ლიკვიდაციის, ნაპირდაცვის სამუშაოებზე გაწეული საზედამხედველო მომსახურების ანაზღაურებისათვის განსახორციელებელი ღონისძიებები რეგულირდება შესაბამისი სახელმწიფო შესყიდვების ხელშეკრულებებით.